



Broj predmeta: 13-001244/21
Broj akta: 01.1-1413EK-0016/21
Datum, 23.8.2021. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18– prečišćeni tekst, 49/18, 08/19, 10/19 i 32/19), u skladu sa članom 25. i 32. Zakona o javnim nabavkama («Službeni glasnik BiH», broj 39/14), Zapisnika o pregledu i ocjeni ponuda, sa preporukom Komisije, broj: 13-001244/21 od 16.08.2021. godine, kao i Mišljenja Pravobranilaštva Brčko distrikta BiH broj: M-896/21 od 20.08.2021.godine, gradonačelnik Brčko distrikta BiH d o n o s i

ODLUKU O IZBORU NAJPOVOLJNIJEG PONUDAČA

Član 1.

U provedenom otvorenom postupku za nabavku radova tekućeg održavanja šumskih puteva i prilaznih puteva vodotocima, a prema zahtjevu za nabavku Odjeljenja za poljoprivredu, šumarstvo i vodoprivredu Vlade Brčko distrikta BiH, izabran je najpovoljniji ponuđač sa kojim će biti zaključen okvirni sporazum na period od 3 godine od dana potpisivanja okvirnog sporazuma.

Naziv najpovoljnijeg ponuđača je „PAPILON“ d.o.o. Čelić.
Vrijednost okvirnog sporazuma sa uračunatim PDV-om iznosi

60.000,00 KM.

Obrazloženje

Komisija za nabavke je utvrdila da je do momenta koji je bio određen za krajnji rok za dostavu ponuda dostavljeno pet ponuda ponuđača i to: „Gradnja cop“ d.o.o. Brčko, „Santovac“ d.o.o. Brčko, „Martić-inter-copp“ d.o.o. Modriča, „Agip“ d.o.o. Brčko i „Papilon“ d.o.o. Čelić. Sastavni dio odluke čini zapisnik sa otvaranja ponuda. Sve ponude ponuđača su bile prihvatljive prema obliku, sadržaju, potpunosti i načinu pripreme i dostave ponude. Nakon detaljne analize dostavljenih ponuda komisija je ustanovila da su svi ponuđači kvalifikovani u skladu sa zahtjevima iz tenderske dokumentacije vezano za odredbe člana 45. do 51. Zakona o javnim nabavkama, osim ponuđača Santovac d.o.o. Brčko. Tenderskom dokumentacijom, tačkom 3.4.1 iste, zahtijevano je između ostalog sljedeće: „Uspješno iskustvo osnovnog (glavnog) ugovarača u realizaciji najmanje 1 (jednog) ugovora čiji su karakter i kompleksnost isti ili slični onima koji se odnose na predloženi ugovor, u prethodnih 5 (pet) godina (juli 2016. - juli 2021. godine) ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od pet godina. Pod istim ili sličnim radovima podrazumijevaju se radovi održavanja, rekonstrukcije, sanacije ili izgradnje puteva.“ Analizom ponude ponuđača „Santovac“ d.o.o. Brčko ustanovljeno je da je ponuđač na stranama 17, 18 i 19 svoje ponude dostavio traženu referenc listu i dvije potvrde naručioca posla o uspješno izvedenim radovima. Analizom navedenih potvrda komisija je ustanovila da u oba slučaja ponuđač Santovac nije bio osnovni (glavni) ugovarač nego podizvođač firmama Rubau Brčko i Balegem Gradačac. Obzirom da je tenderskom dokumentacijom izričito zahtijevano uspješno iskustvo ponuđača kao osnovnog (glavnog) ugovarača, jasno je da navedene potvrde i iskustvo nije u skladu sa zahtjevima iz tenderske dokumentacije. Obzirom na navedeno ponuđač Santovac d.o.o. Brčko je ocijenjen kao nekvalifikovan. Kvalifikovani ponuđači su dostavili ponude u skladu sa zahtjevima iz predmjera radova. Na osnovu računске kontrole ponuda utvrđeno je da su sve ponude potpune, sve stavke su ponuđene. Komisija je prilikom analize ponuda

primijetila da su pojedini ponuđači vršili korekcije – ispravke u svojim ponudama te da navedene korekcije nisu urađene u potpunosti u skladu sa zahtjevima iz tenderske dokumentacije, odnosno da ispravljani podaci moraju biti vidljivi, potvrđeni potpisom ponuđača i sa datumom izvršenja ispravke. Međutim, i pored navedene činjenice komisija smatra da se radi o manjim propustima koji bitno ne utiču na konkurenciju te se iz navedenog razloga i navedene ispravke mogu uzeti kao prihvatljive. Nakon izvršene računске kontrole ponuda utvrđeno je da su sve ponude računski ispravne. Dalje je Komisija, prije provođenja e-aukcije, razmotrila najjeftiniju ponudu sa aspekta sumnje na neprirodno nisku cijenu ponude u skladu sa odredbama tačke 6.5 tenderske dokumentacije, te je ustanovila da ne postoje elementi za sumnju na neprirodno nisku cijenu ponude. Nakon provedene e-aukcije Komisija je ustanovila da je iznos najpovoljnije ponude u okviru procijenjene vrijednosti nabavke, te je dala preporuku o izboru najpovoljnijeg ponuđača za zaključenje okvirnog sporazuma i to na iznos procijenjene vrijednosti sa uračunatim PDV-om, a u skladu sa kriterijumom najniže cijene.

Član 2.

Postupak je proveden na osnovu Odluke o pokretanju postupka javne nabavke broj: 13-001244/21 od 04.06.2021. godine, Obavještenja o nabavci broj: 1157-1-3-374-3-377/21 objavljenim na portalu javnih nabavki dana 22.07.2021. godine, tenderske dokumentacije broj 13-001244/21 i ponude najpovoljnijeg ponuđača.

Član 3.

Novčana sredstva za finansiranje ove nabavke osigurana su u tekućem Budžetu Brčko distrikta BiH za 2021. godinu, na organizacionom kodu 18030001-Odjeljenje za poljoprivredu, šumarstvo i vodoprivredu, Pododjeljenje za šumarstvo i vodoprivredu, ekonomskom kodu 613700, a bit će planirana u Budžetu Brčko distrikta BiH za pripadajuće godine, nakon usvojenih budžetskih sredstava za finansiranje ove javne nabavke za određeni period (budžet, rebalans budžeta ili odluka o privremenom finansiranju).

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove, Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVITI:

1. Pododjeljenju za javne nabavke,
2. Ponuđačima,
3. Odjeljenju za poljoprivredu, šumarstvo i vodoprivredu,
4. Gradonačelniku,
5. Zamjeniku gradonačelnika,
6. «Službenom glasniku Brčko distrikta BiH»,
7. Arhivi.

